

Qarasaasiaq atorlugu ataatsimut atortuni inunnut paasissutissanik suliarinnittarnermut akisussaaffik, suliassat aamma nakkutilliineq pillugit kaajallaasitaq (Paasissutissanik suliarinnittarneq pillugu isumaqatigiissut)

Inatsisartut Naalakkersuisullu pillugit Inatsisartut inatsisaat nr. 26, 18. november 2010-meersumi § 23, imm. 1 naapertorlugu, uku aalajangersarneqarput:

Atuuffia

§ 1. Kaajallaasitaq Naalakkersuisut naalakkersuisoqarfiinut taakkulu ataani immikkoortortanut atuutsinneqarpoq, tak. suliassa qarfiit pillugit agguataarnerat pillugu kaajallaasitaq (Suliassa qarfiit agguataarnerat).

§ 2. Kaajallaasitaq una inunnut paasissutissanik suliarinnittarneq pillugu inatsit Kalaallit Nunaannut atuuttutut peqqussummi § 42, imm. 2 naapertorlugu inatsisitigut pituttuivoq (inunnut paasissutissanik suliarinnittarneq pillugu peqqussut).

Paasissutissanik suliarinnittumik toqqaaneq

§ 3. Ataatsimoorussamik qarasaasiaqarnikkut atortunik qitiusumik allaffeqarfimmit atorineqartussani Digitalimik Sullissinermut Aqutsisoqarfik paasissutissanik suliarinnittuivoq.

Imm. 2. Digitalimik Sullissinermut Aqutsisoqarfik qarasaasiakkut atortorineqartunik nalunaarsuissapput, nalunaarsugarlu qitiusumik allaffeqarfiup intranetianut ilineqassaaq.

Paasissutissanut akisussaasoq aamma paasissutissanik suliarinnittoq

§ 4. Oqartussa qarfiit ataasiakkaat inunnut paasissutissat suliarineqartarneri oqartussa qarfiit qarasaasiamik atortuminni, tassunga ilanngullugu ataatsimut qarasaasiani atorineqartartut, tamani paasissutissat suliarineqarneri eqqarsaatigalugit immikkut akisussaaffigivaat.

Imm. 2. Paasissutissanik akisussaasoq paasissutissanik piaarinaatsoornikkut imaluunniit

unioqqutitsisumik nungutitsineq, annaasaqarneq imaluunniit ajorseriaatitsineq kiisalu susassaqqanngitsunut ilisimalerneqarnissai, atornerlunneqarnissai imaluunniit inatsisitigut unioqqutitsisumik suliarineqarnissai eqqarsaatigalugit aqqissuussatigut aamma teknikkikkut isumannaallisaanermik iliuseqartussaavoq, matumani inunnut paasissutissanik suliarinnittarneq pillugu peqqussummi § 41, imm. 2 aamma isumannaallisaanermut nalunaarut innersuussutigineqarpoq.

§ 5. Paasissutissanik suliarinnittoq aamma paasissutissanut akisussaasut inunnut paasissutissanik suliarinnittarneq pillugu peqqussummi aamma isumannaallisaanermut nalunaarummi nalinginnaasumik malittarisassaasa malitsigisaanik akisussaasuutaapput, matumani inunnut paasissutissanik suliarinnittarneq pillugu peqqussummi §§ 41-42 eqqaassagaanni kaajallaasitap matuma malitsigisaanik erseqqissaateqarluni.

§ 6. Paasissutissanik suliarinnittup suliarinnittarnerani inunnut paasissutissat pineqartut ilaatigut makkuupput:

- 1) Inunnut paasissutissat nalinginnaasut.
- 2) Inunnut paasissutissat immikkut isigineqartut (inunnut paasissutissat mianerisassat).
- 3) Inuit normui.
- 4) Paasissutissat pinerluuteqarnermut tunngasut.

Imm. 2. Paasissutissanik suliarinnittup suliarinnittarnerani inuit nalunaarsorsimasut assigiingitsut pineqarput, ilaatigut innuttaasut aamma sulisut pineqarlutik. Paasissutissat inunnut nalunaarsorsimasunut tunngasut paasissutissani tassanilu paasissutissanut allanut tunngasuni paasissutissanik akisussaasutut oqartussat qarasaasiaqarnikkut ataatsimut atortuni suliarinnittartutut atortuini takuneqarsinnaapput.

Paasissutissanik suliarinnittoq peqquneqarneq malillugu iliuseqassaaq

§ 7. Inunnut paasissutissanik suliarinnittarneq pillugu pisariaqartumik isumannaallisaanissamut tunngasunik atuinnissami teknikkikkut aqqissuussaanikkullu iliutsit pillugit paasissutissanik suliarinnittoq aalajangiinnissaminut piginnaatitaallunilu pisussaataaavoq.

Imm. 2. Paasissutissanik suliarinnittoq najoqqutassanik qarasaasiaq atorlugu atortut ataavartumik matoqqasuutinnissaannik, innarligassaajunnaarnissaannik, atoruminarsarnissaannik patajaatsuunissaannillu qulakkeerisussanik aalajangersaassaaq.

Imm. 3. Qarasaasiaq atorlugu atortut matoqqasuunissaasa, innarligassaajunnaarnerisa, atoruminartuunerisa patajaatsuunerisalu qulakkeernissaannut atatillugu inunnut paasissutissanik suliarinnittarnermut atatillugu paasissutissanik suliarinnittoq suliarinnittuussaaq.

Imm. 4. Peqqusineq paasissutissanik suliarinnittup naliliinera naapertorlugu inunnut paasissutissanik suliarinnittarneq pillugu peqqut, isumannaallisaanermut nalunaarut imaluunniit inatsit alla, matumani qarasaasiaqarnikkut paasissutissiisarnikkullu isumannaallisaanermi politikkikkut aamma pitsaasumik paasissutissanik pissuserissaarnikkut aalajangersagaasut unioqqutinneqarpata paasissutissanik suliarinnittoq paasissutissanut akisussaasumut nalunaaruteqartassaaq.

Imm. 5. Paasissutissanik suliarinnittup qitiusumik allaffeqarfimmi oqartussat sinnerlugit inunnut paasissutissanik suliarinnittarnera piffissaliussatigut killiligaanngilaq, kaajallaasitalli atorunnaarsinneqarnissaata tungaanut atuutissaaq.

Imm. 6. Qarasaasiaq atorlugu ataatsimut atortuniit paasissutissat assersuutigalugu kisitsisinut imaluunniit ilisimatusarnermi misissuinermit tunngatillugu atugassat paasissutissanik suliarinnittumiit noqqaasumut ingerlateqqinneqarsinnaapput, noqqaasup inatsisit malillugit malitassatigut akuersissummillu peqarnikkut inunnut paasissutissanik ingerlatitseqqiisinaaguni, matumani inunnut paasissutissanik suliarinnittarneq pillugu peqqussummi § 10 naapertorlugu.

Imm. 7. Matumani imm. 6 malillugu ingerlatitseqqiinermit atatillugu inunnut paasissutissanik ingerlatitseqqiinermit paasissutissanik suliarinnittoq immikkut paasissutissanik akisussaasunngussaaq, aamma ingerlatitseqqiinermit malittarisassanik atuuttunik peqarnissaa paasissutissanik suliarinnittup qulakiissavaa.

Isertuussineq aamma nipangiussisussaataaneq

§ 8. Paasissutissanik suliarinnittup paasissutissanik suliarinnittutut qarasaasiaq atorlugu ataatsimut atortuni inunnut paasissutissanik suliarinninnissamut inuit akuerisaasut paasissutissanik isertuussisinaanermut pisussaataitaneersut imaluunniit inatsisitigut nipangiussisussaataitaneersut qulakkiissavaa.

Imm. 2. Paasissutissanik suliarinnittutaaq qulakkiigassarivaa isertuussinissamut piumasaqaat pisiortorfigisarlu paasissutissanik suliarinninnissamut allakkatigut isumaqatigiisummi inatsisitigut aalajangersakkamik nipangiussisussaataitanermik peqassasoq qulakkiissavaa.

Isumannaatsumik suliarinnineq

§ 9. Paasissutissanik suliarinnittoq paasissutissanik piaarinaatsoornikkut imaluunniit unioqqutitsisumik nungutitsineq, annasaqarneq imaluunniit ajorseriaatitsineq kiisalu susassaqaanngitsunut ilisimalerneqarnissai, atornerlunneqarnissai imaluunniit inatsimmik unioqqutitsisumik suliarinissai teknikkikkut isumannaallisaanermik iliuuseqartussaavoq.

Imm. 2. Paasissutissanik suliarinnittoq teknikkikkut isumannaallisaanermut malittarisassaliornissamut aalajangersaanissamut suliaqaqquneqassaaq. Matumani ilanngullugit:

- 1) Qarasaasiaq atorlugu atortunut isumannaatsumik isernissamut Login aamma kinaassutsimut uppersaammik peqarnissaq
- 2) Sillimmatitut toqqortaqaarneq (Backup)
- 3) Qarasaasiaq atorlugu atortunut iserneq
- 4) Qarasaasiani software-nik ikkussinissamut najoqqutassaq

Imm. 3. Qitiusumik allaffeqarfiup qarasaasiat sulitilluni atugassatut tunniussat pillugit teknikkikkut isumannaallisagaanissaannut maleruagassanik Paasissutissanik suliarinnittoq aalajangersaassaaq. Matumani makku ilanngullugit:

- 1) Qitiusumik allaffeqarfiup qarasaasiat sulitilluni atugassatut tunniussaasa isumannaallisaanikkut nutarterneqarnissaat
- 2) Atuisut softwarenik aalajangersaanissamut ikkussuinissamullu isersinnaanissaat

Imm. 4. Isumannaallisaanissaq qulakkeerniarlugu paasissutissanik suliaqartoq taamaalilluni teknikkikkut aaqquissuussatigullu naleqquttunik suliaqarnissamut qulakkeerissaaq makku eqqarsaatigalugit:

- 1) Teknikkikkut qaffasissuseq maannakkut atuuttoq

2) Atulersitsinermi aningaasartuutit

3) Suliarinninnermi suussuseq, annertussuseq, ataqatigiinnera aamma siunertaa pineqartoq

4) Inuit timikkut pisinnaatitaaffisa kiffaanngissusermillu pisinnaatitaaffisa ilimanaatilimmik imaannaanngitsumillu nikerartumik nalorninartumiinneri.

Imm. 5. Paasissutissanik suliarinnittup nalorninartut kingunerisinnaasallu misissuiffigeqqissaarnerisa inernerit tunngavigalugit, nalorninartut paasineqartut iluarsiniarlugit paasissutissanik suliarinnittoq naleqquttunik suliniuteqassaaq. Naleqquttut suunersut apeqqutaallutik suliniutiginiarneqartut tassaasinnaapput:

1) Inunnut paasissutissanik paasiuminaallisaaneq.

2) Suliarinninnermi atortunik kiffartuussissutinillu ataavartumik insertuussisinnaneq, innarligassaajunnaarsitsineq, atoruminarsaaneq aamma patajaallisaaneq isumagisinnallugit.

3) Sumiiffimmi imaluunniit teknikkikkut pisoqartillugu inunnut paasissutissanut isersinnaanerup piffissaq eqqorlugu pilerseqqissinnaallugu.

4) Suliarinninnermi isumannaatsuunissaq qulakkeerniarlugu teknikkikkut aqqissuussatigullu suliniutit pitsaassusaasa akulikitsumik misiligtarnissaannut, naliliiffigisarnissaannut nalilersortarnissaannullu najoqqutassiaqarneq.

Imm. 6. Aqqissuussatigut sumiiffimmilu qulakkeerninninnissaq siunertarlugu paasissutissanik suliarinnittarnermi isumannaallisaanissamut suliniutit pillugit paasissutissanik suliarinnittoq paasissutissiisarnermut isumannaallisaanermi namminerisamik atortorissaarutigisani suliffiup iluani atuuttussanik aalajangersagaliussaaq, matumani isumannaallisaanermi aqqissuussaaneq, isertitaatit aqunnissaannut aqqiissutit aamma akuersisartuunermi aqqiissutit kiisalu akuersisarnerit misissuataarnissaat ilanngullugit. Paasissutissatuttaaq atortut avammut suliffiullu iluani atorineqartut nungutinissaannut kiisalu qarasaasianik atortorissaarutit atorineqarnerisa suliarinerinut akisussaaffimmik nassuiaasiukkamillu aalajangersaanissaq siunertarlugu peqqussutinik aalajangersaasoqassaaq. Tamatuma saniatigut isumannaallisaanissamut suliniutit paasissutissanik suliarinnittarnikkut aalajangersagaasut malinneqarnerisut pillugit nakkutilliinissamut maleruagassaliortoqassaaq.

1) Suliffiup iluani aalajangersakkat paasissutissanik suliarinnittumut tunngatillugu naammaginarnerisut naapertuunnersullu qulakkeerniarlugu ukiumut ikinnerpaamik ataasiarlugu misissuataarneqartassapput.

2) Paasissutissanik suliarinnittoq sulisuminut inunnut paasissutissanik suliarinnittartunut pisarialimmik ilitersuisassaaq. Sulisut tamatumunnga ilanngullugu imm. 4-p malitsigisaanik malittarisassatut aalajangersakkat ilisimaarilissavaat.

3) Sumiiffinni inunnut paasissutissanik suliarinniffiusuni susassaqaanngitsut paasissutissanik pissarsisinnaajunnaarsinneqarnissaat siunertarlugu malittarisassanik aalajangersaasoqassaaq.

Imm. 7. Qarasaasiaq atorlugu ataatsimut atortut ineriartortinneqarnerat, ingerlanneqarnerat, aserfallatsaalineqarnerat ingerlatsinerlu eqqarsaatigalugit nalinginnaasumik aqqiissutitigut ilusilersuineq paasissutissanillu illersuineq aqqutigalugit paasissutissanik illersuinnissaq pillugu malittarisassanik malinnaanissaq paasissutissanik suliarinnittoq akisussaasuvoq.

Akuersissuteqarneq aamma isersinnaanerup aqunneqarnera

§ 10. Inuit akuersissuteqartut kisimik inunnut paasissutissanik suliarinninnissamut isersinnaatitaapput.

Imm. 2. Inuit inunnut paasissutissanik suliaqarnissamik siunertaqartut kisimik akuersissummik tunineqartassapput. Inuit ataasiakkaat atuinissamik pisariaqartitsinngitsut akuersissummik tunineqartassanngillat.

Imm. 3. Aammattaaq kukkundersiuermik imaluunniit ingerlatsinermik atortutigullu teknikkimik suliaqarniartut paasissutissanut pisariaqartitaannut isersinnaanissamut akuersissuteqartoqassaaq.

Imm. 4. Inuit akuersissuteqartut kisimik isersinnaanissaat qulakkeerniarlugu suliniuteqartoqassaaq, aamma inunnut paasissutissanut akuersissutaannarmilu siunertaanut isersinnaanissaq taamaallaat atorineqassasut.

Imm. 5. Akuersissutini, imm. 1 innersuussutigalugu, allaqqassapput atuisup inunnut paasissutissanik apeqquteqaatigineqarsinnaaneranut, avammut nassiussinnaaneranut, eqqussinnaaneranut imaluunniit nungutissinnaaneranut tunngasut.

Imm. 6. Inuit akuersissuteqartut immi. 1-4-mi piumasaqaatinik naammassinninersut qulakkeertuarneqartassaaq.

Imm. 7. Imm. 6-ip malitsigisaanik misissuisarneq ikinnerpaamik ukiup affaani ataasiarluni pisassaaq.

Imm. 8. Inuit qarasaasianut akuersissummik pinissaannut pilersitsineq, allannguineq aamma atorunnaarsitsineq pillugit malittarisassaliornissamut paasissutissanik suliarinnittartut peqquneqassapput.

Paasissutissanik suliaqartut allat akuerineqarnerat

§ 11. Paasissutissanik suliarinnittup qarasaasiaq atorlugu ataatsimut atortunut paasissutissanik suliaqartut allat atornissaannut nalinginnaasumik akuereqqaartarpai, tassunga ilanngullugu pisariaqartinneqartillugu paasissutissanik pissarsisinnaanermut isumaqatigiissut. Paasissutissanik suliaqartut allat pilersaarutaasumik ilanngunnerat imaluunniit taarserneqarnerat qitiusumik allaffeqarfiup intranetiatigut saqqummiunneqartassapput.

Imm. 2. Paasissutissanik suliaqartunik allanik atuineri inunnut paasissutissanik suliarinnittarneq pillugu peqqussutit immikkoortuata IV-mi piumasaqaatit malissallugit paasissutissanik suliarinnittoq akisussaaffeqarpoq. Paasissutissanik suliarinnittutaaq makkununga pisussaaffeqarpoq:

1) Inunnut paasissutissanik suliarinnittarneq pillugu peqqussummi suliaqarnissamut piumasaqaatinik naammassinninneq aamma nalunaarsorsimasup pisinnaatitaaffinik illersuineq qulakkeerneqartoq anguneqarsinnaasoq teknikkikkut aaqjissuusaanikkullu isumannaallisaaneq naleqquttoq naammassisinnaagaanni paasissutissanik suliarinnittartut allat taamaallaat atorineqarsinnaapput.

2) Paasissutissanik suliarinnittup aamma paasissutissanik suliarinnittartunik allanik peqassappat taakku akornanni paasissutissanik suliarinnittarnissamut isumaqatigiisummik qulakkeerrinnittoqassasoq.

Paasissutissanik suliarinnittartunik atuineq

§ 12. Paasissutissanik suliarinnittup qarasaasiaq atorlugu ataatsimut atortunut paasissutissanik suliaqartartui allat qitiusumik allaffeqarfiup intranetiatigut takuneqarsinnaapput. Paasissutissanik suliaqartut allat pillugit paasissutissat Paasissutissanik suliarinnittumut allakkatigut noqqaassutigereernerini qitiusumik allaffeqarfimmut nassiunneqarsinnaapput.

Imm. 2. Paasissutissanik suliaqartut allat inunnut paasissutissanik suliaqartarneq pillugu peqqussummi piumasagaatit suliaqarnermi naammassineqartarnissaat anguniarlugu paasissutissanik suliaqartut allat teknikkikkut aaqqissuusaanikkullu naammattunik suliaqarsinnaanerit pisarialimmik qulakkeersinnaagaanni isumaqatigiissuteqarneq imaluunniit inatsisitigut pituttuisumik uppersaateqarneq aqutigalugu kaajallaasatigut matumuuna aalajangersakkap assinganik paasissutissanik illersuinissamut pisussaaffilersorneqarnissaat paasissutissanik suliarinnittup isumagissavaa.

Imm. 3. Paasissutissanik suliarinnittoq taamaalilluni paasissutissanik illersuinissamut malittarisassat kaajallaasitarlu una qitiusumillu allaffeqarfup paasissutissiinnikkut isumannaallisaanermit politikkaa malillugit pisussaaffeqartitaasoq paasissutissanik suliaqartut isumaqatigiissuteqarfigineritigut paasissutissanik suliaqartut minnerpaamik pisussaaffilersornissaannut akisussaasuvoq.

Imm. 4. Paasissutissanik suliaqartut allat isumaqatigiissuteqarfiginerata malinneqarnera paasissutissanik suliaqartut paasissutissanik suliarinnittup nakkutigisussaavaa. Paasissutissanik suliarinnittoq allakkatigut akuersissuteqartinnagu paasissutissanik akisussaasut paasissutissanik suliaqartullu allat toqqaannartumik nakkutilliiviginnaangilai.

Imm. 5. Paasissutissanik suliarinnittup paasissutissanik suliaqartut allat nakkutiginerini ilaatigut makku suliarineqassapput:

- 1) Paasissutissanik suliaqartut allat isumaqatigiissusiaat atuuttoq naapertorlugu paasissutissanut isumannaallisaanerup inunnullu paasissutissat namminneq suliarineri pillugit ukiumut ataasiarlutik kukkunersuiusut arlaannaanulluunniit attuumassuteqanngitsut atorlugit oqaaseqaataannik pissarsiniartassapput. Paasissutissanik suliarinnittup kukkunersuiusut oqaaseqaataat paasissutissanik suliaqartunit pissarsiarissavaat tamatumalu kingorna paasissutissanut akisussaasutut oqartussanut atortussanngortillugu.
 - 2) Paasissutissanik suliarinnittoq, imaluunniit kukkunersuiusoq arlaannaanulluunniit attuumassuteqanngitsaq paasissutissanik suliarinnittumit pininnaatinneqartoq, paasissutissanik suliaqartut allat sumiiffinni inunnut paasissutissanik suliffigisaasa alakkarternissaannut pininnaatitaapput kiisalu isumaqatigiissutaasup kiisalu paasissutissat illersorsinnaatitaanerisa malitsigisaanik paasissutissanik suliaqartut allat isumannaallisaasimanersut misissuiffigissallugit pininnaatitaallutik.
 - 3) Kukkunersuiusut oqaaseqaataannit, sumiiffinni atortorissarutinit allakkarterinermit imaluunniit paasissutissat tiguneqartunit inernerit tunngavigalugit paasissutissanik suliarinnittoq paasissutissanik pissarsiniartuarnissamut pisussaaffeqarpoq. Paasissutissanik illersuinissamut pininnaatitaaffiup atuuttup malinneqarnera qulakkeerniarlugu pisariaqartitsineq naapertorlugu allatigut suliniuteqartoqarnissaa Digitalimik Sullissinermit Aqutsisoqarfik piginnaatitaavoq.
 - 4) Paasissutissanik suliaqartut allat sumiiffini atortorissarutinit uppersaatinik takutitsisinnaanikkut oqartussaasut, imaluunniit aallartitaasutut toqqagaat, paasissutissanik suliarinnittup aamma paasissutissanik suliaqartut allat atortorissarutaannut paasissutissanik illersuinissamut malittarisassat malillugit pininnaatitaasut paasissutissanik suliaqartunit allanit isersinnaatitaanermik tunniussissapput.
- Imm. 6.* Paasissutissanik suliaqartut allat paasissutissanik illersuinissaminnut pisussaaffitsik naammassinngippassuk, taakku paasissutissanik akisussaaffillit pisussaaffisa naammassinissaannut paasissutissanik suliarinnittoq akisussaasunngusaaq.

§ 13. Paasissutissanik suliaqartoq inunnut paasissutissanik sunilluunniit nunanut allanut tunniusseqqusaanngillat, tassunga ilanngullugu nunani allani paasissutissanik suliaqartartut allat, aatsaallu paasissutissanik tunniussisoqarsinnaavoq paasissutissanik akisussaasut akuersiteqqaarlugit. Paasissutissanut akisussaasoq akuersissagaluarpas Inunnut paasissutissanik suliarinnittarneq pillugu peqqussummi immikkoortoq 7-mi allasimasut atorineqassapput malinneqassallutillu.

Paasissutissanut akisussaasumut ikiuunneq

§ 14. Nalunaarsorsimasut pisinnaatitaaffii inunnut paasissutissanik suliarinnittarneq pillugu peqqussummi kapitali 9-mi aamma 10-mi aalajangersarneqartut suliarinissaannut noqqaassutit akisuteqarfigineqarnissaannut paasissutissanut akisussaasut pisussaaffisa naammassineqarneri ilaatillugit teknikkikkut aqqissuussatigullu naleqquttunik suliniuteqarnikkut suliarisassap qanoq ittuunera eqqarsaatigalugu sapinngisamik paasissutissanut akisussaasoq paasissutissanik suliarinnittumi ikiorneqartassaaq.

Imm. 2. Matumani siunertarineqarpoq paasissutissanik suliarinnittup paasissutissanut akisussaasut paasissutissanut akisussaasutut inissisimanerani sapinngisamik ikiortassallugu ilaatigut inunnut paasissutissanik suliarinnittarneq pillugu peqqussummi malittarisassat ataani allaqqasut malinneqarnissaat makkuusut eqqarsaatigalugit:

- 1) Nalunaarsorsimasumi inunnut paasissutissanik katersineri paasissutissiinissamut pisussaaffik, tak. § 28.
- 2) Paasissutissiinissamut pisussaaneq, matumani inunnut paasissutissat nalunaarsorsimasumi katersorneqarsimanngippata, tak. § 29.
- 3) Nalunaarsorsimasup takunnissinnaatitaanera, tak. § 31.
- 4) Suliarinninnissap killilersornissaanut pisinnaatitaaffik, tak. § 35.
- 5) Akerliliissuteqarnissamut pisinnaatitaaffik, tak. § 36.
- 6) Naqqiuteqarnissamut, nungutitsinissamut mattussinissamullu pisinnaatitaaffik, tak. § 37, imm. 1.
- 7) Inunnut paasissutissanik naqqiuteqarnissamut imaluunniit nungutitsinissamut imaluunniit suliarinninnerup killilersorneqarnissaanut nalunaartussaaitaneq, tak. § 37, imm. 2.

Imm. 3. Inunnut paasissutissanik suliarinnittarneq pillugu peqqussummi immikkoortup IV-p aamma isumannaallisaanermut nalunaarutip malitsigisaanik paasissutissanut akisussaasut pisussaaffisa malinneqarneri qulakkeerniarlugit suliarisassap suussusaa aamma paasissutissanik suliarinnittup paasissutissanik suliarinnittut paasissutissat pissarsiarinnaasai eqqarsaatigalugit, paasissutissanut akisussaasoq paasissutissanik suliarinnittumit ikiorneqartassaaq. Matumani siunertarineqarpoq paasissutissanik suliarinnittup suliarineqartussap suussusaa qitiutillugu paasissutissanut akisussaasut ataasiakkaat ataani allaqqasunik malinninnissaannut atatillugu ikiortassammagit:

- 1) Isumannaallisaanissaq suliarinninnermut atatillugu nalorninartunut naapertuuttoq qulakkeerniarlugu teknikkikkut aqqissuussatigullu naleqquttunik suliniuteqarnissamut pisussaaffik.
- 2) Inunnut paasissutissanik isumannaallisaanikkut unioqqutitsineq paasissutissanut akisussaasut ataasiakkaat unioqqutitsinermik paasisaqareersullu pisariaqanngitsumik kinguarsaasoqanngitsumik periarfissaappallu kingusinnerpaamik 72 tiimit qaangiuppata nalunaarutiginnissaanut pisussaaitaneq, pissanngilarli inunnut paasissutissanik isumannaallisaanermut unioqqutinneqarnera inuit

pisinnaatitaaffinut imaluunniit kiffaangissutsikkut pisinnaatitaaffinut nalorninartoqartoq ilimanaateqanngippat.

3) Inunnut paasissutissanik isumannaallisaanerup unioqqutinneqarnera inuit pisinnaatitaaffinut aamma kiffaangissutsumik pisinnaatitaaffinut annertuumik nalorninartorsiortitsippat nalunaarsorsimasumut/nalunaarsorsimasunut pisariaqanngitsumik kinguarsaasoqartinnagu nalunaaruteqarnissamik pisussaaffeqarneq.

4) Paasissutissanik illersuinissaq pillugu nalorninartunik kingunerisassanillu misissuinissamut pisussaaffeqarneq, matumani suliarinninneq inuit pisinnaatitaaffinik aamma kiffaangissusaasa pisinnaatitaaffinik annertuumik nalorninartoqartillugu, aamma paasissutissanik illersuinissaq pillugu kingunerisassanik misissuinermi suliarinninneq paasissutissanut akisussaasut ataasiakkaat nalorninartumik killilersimaartitsiniarlutik suliniutitut aalajangiinerat annertuumik amigaateqartutut pippat suliarinninnissaq sioqqullugu Datatilsynet-ip qanoq oqariartuuteqarnissaata tusaanissaanut pisussaaffeqarneq.

Inunnut paasissutissat isumannaallisaanerata unioqqutinneqarnera pillugu Datatilsynet-imut nalunaaruteqarneq

§ 15. Paasissutissanik suliarinnittup pisariaqanngitsumik kinguarsaasoqarnani inunnut paasissutissanik isumannaallisaanikkut unioqqutitsisoqartillugu paasisaqartoqarpasut paasissutissanut akisussaasoq nalunaarfigissavaa.

Imm. 2. Paasissutissanik suliarinnittup paasissutissanut akisussaasumut nalunaaruteqarnera pisariaqanngitsumik kinguarsarneqassanngilaq periarfissaappallu unioqqutitsineq paasineqarpasut kingusinnerpaamik 48 tiimit qaangiuppata, taamaalilluni paasissutissanut akisussaasup inunnut paasissutissanik isumannaallisaanermi unioqqutitsineq Datatilsynet-imut nalunaartussaataitanini malinniassavaa. Paasissutissanut akisussaasut inunnut paasissutissanik isumannaallisaaneq unioqqutinneqartoq pillugu nalunaarsorsimasunut nalunaarutigissavai.

Imm. 3. Paasissutissanik suliarinnittoq paasissutissanut akisussaasut kaajallaasitami matumani ilaatinneqartut tamaasa sinnerlugit suliap qanoq ittuunera, unioqqutitsinerup annertussusaa aamma unioqqutitsineq qarasaasiaq atorlugu ataatsimut atortunut attuumassuteqarnerisoeq eqqarsaatigalugit ataatsimut Datatilsynet-imut nalunaarusiorsinnaavoq.

Imm. 4. Matumani imm. 1 naapertorlugu paasissutissanut akisussaasut unioqqutitsineq pillugu Datatilsynet-imut nalunaaruteqarnissaannut paasissutissanik suliarinnittoq ikiutissaq. Tamanna ima isumaqarpoq, paasissutissanut akisussaasut unioqqutitsinerup Datatilsynet-imut nalunaaruteqarnerani paasissutissat ataani allaqqasut takutinnissaannut paasissutissanik suliaqartoq aqqutissiueqataassasoq:

1) Inunnut paasissutissanik isumannaallisaanerup unioqqutinneqarnerata suussusaa, matumani periarfissaappat suussutsit aamma nalunaarsorsimasutut kalluarneqartut missiliorlugit kiisalu inunnut paasissutissatut nalunaarsorsimasutut kalluarneqartut missiliorlugit ilanngullugit.

2) Inunnut paasissutissanik isumannaallisaanerup unioqqutinneqarneranit kingunerisinnaasai.

3) Inunnut paasissutissanik isumannaallisaanerup unioqqutinneqarnerata pakkersimaarnissaanut paasissutissanut akisussaasut suliniutigerusutatut aalajangiussai, matumani pisariaqarpasut ajoqutaasinnaasutut kingunerisinnaasai pillugit naleqquttunik suliniutigiumasai ilanngullugit.

Inunnut paasissutissanik nungutitsineq

§ 16. Qarasaasiaq atorlugu ataatsimut atortunut tunngatillugu nungutitsisarnissamut malittarisassat paasissutissanik suliarinnittumit aalajangersarneqassapput.

Imm. 2. Qarasaasiaq atorlugu ataatsimut atortut allagaateqarnermut inatsimmi aalajangersakkat malillugit atoreernerini tunniuttussaataitaneranut ilaatinneqartut Nunatta Allagaateqarfianut tunniunneqareernerisa kingorna siusinnerpaamik nungutinneqareersimassapput.

Nakkutilliineq aamma kukkundersiuneq

§ 17. Naalackersuisoqarfiit suliassaqarfimminni paasissutissanik suliarinnitsitsinikut, suliassaqarfiit agguataarnerat pillugu kaajallaasitami (Suliassaqarfiit agguataarnerat) allassimasut malillugit, paasissutissanik akisussaasut sinnerlugit paasissutissanik suliarinnittut nakkutilliissapput. Naalackersuisoqarfik nakkutilliinertik tunngavigalugu paasissutissanut akisussaasunit atugassamik nakkutilliinermi nalunaarummik suliaqassaaq.

Imm. 2. Paasissutissanut akisussaasut paasissutissanik suliarinnittup sumiiffimmi sulisoqarnikkut isumannaallisaanikkullu peqquteqartumik atortorissaarutaannik alakkarterisinnaanissaminut periarfissaqanngillat. Akerlianik paasissutissanut tunngatillugu iliuuseqarneq pillugu paasissutissanik suliarinnittoq nalunaarusiussaaq.

Imm. 3. Paasissutissanik suliarinnittoq paasissutissanik kaajallaasitami piumasaqaatinik malinninnissamut takussutissaqarniartilluni attuumassuteqartunik pisariaqartunillu paasissutissanut akisussaasunut pissaqartitsissaaq, matumani paasissutissanik suliaqartunut allanut paasissutissa ilanngullugit.

Illuatungerisamut ilisimatitsissuteqarneq

§ 18. Paasissutissanik suliarinnittut aamma paasissutissanut akisussaasut pissutsinik suliarinninnermut kaajallaasitaq naapertorlugu ilaatinneqartutut pingaarutilinnik imminnut ilisimatitseqatigiittassapput.

Atuutilerfia

§ 19. Kaajallaasitaq atuutilerpoq ulloq 13.decemberi 2022.

Siulittaasup Naalackersuisoqarfia, 13. decemberi 2022.

Múte Bourup Egede
Naalackersuisut Siulittaasuat

/ Hans-Peder Barlach Christensen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut